

# Guolleáriiddikšunmáksu

**Guolleáriiddikšunmávssu galgá máksit, jos lea 18–69-ahkásaš ja guolásta vuokkain dahje bivdosiin dahje bivdá reappáid. Guolleáriiddikšunmáksu addá vuoigatvuođa ovttá vuokkain guolásteapmái measta olles riikkas, muhtumin guollebivdi dárbbáša lassin čáhceguovllu eaiggáda lobi.**

**Guolleáriiddikšunmávssuin dikšut guollečáziid ja guollenáliid sihke bearráigeahččat guollebivddu ja rávvat guollebivdiid. Guolleáriiddikšunmávssu vuođđu lea guolástanlágas. Lassidieđuid oažžu Eräluvaf.fi-siidduin ja bálvalannummiris 020 69 2424.**

## Máksingeatnegasvuohta

Guolástandikšunmáksu galgá máksjuvvot, juos lea agis mielde **18–69-jahkásaš** ja guolásta vuokkain dehe bivdosiiguin dehe bivdá reappáid. Spiehkastahkan leat guolásteaddjit, geat leat deavdán 65 jagi 31.12.2023 rádjái: sii eai dárbbáš máksit mávssu.

Guolástandikšunmávssu ii dárbbáš máksit, juos dušše oaggu, oaggu jieŋa nalde dehe bivdá muhttervuokkain sallida. Mávssu ii dárbbat maid máksit, juos lea vuollel 18-jahkásaš, lea deavdán 70 jagi dehe 65 jagi 31.12.2023 rádjái. Máksingeatnegasvuohta nohká dan beavvi, go deavdá 70 jagi. Guolástandikšunmávssu oažžu dattetge máksit dallenai, dat lea investeren lundui.

## Guolástanvuoigatvuohta

Guolleáriiddikšunmáksu addá vuoigatvuođa guolástit vuokkain measta olles riikkas ja stáhta almmolaš čáhceguovlluin mearas. Mánnggain stákkuin guolásteapmi ja bivdosiiguin guolásteapmi gáibida guolleáriiddikšunmávssu lassin guolástanlobi čáziid guovdu. Daid vuovdá čáhceguovllu eaiggát, ovdamearkan stáhta čáziin Meahciráđdehus.

Ráddjehusat lea ráfáidahtton čáhceguovlluin, sierra lobi gáibidan sierračuožáhagain dahje guoika- ja rávdnječáziin main leat vádjolanguolit. Neahttabálvalusas **Kalastusrajoitus.fi** sáhtta dárkkistit kártavuođus guolástangildosiid ja -ráddjehusaid. Guolleáriiddikšunmáksu ii atte vuoigatvuođa Álánddas.

## Mávssuid geavahančuožáhagat

Meahciráđdehus máksá mávssuid mánotbajiid mielde eana- ja meahccedoalloministerijai. Čoggon ruđaiguin bajásdoallat guolástanvejolašvuođaid ja atnit fuola čáhceluonddus.

Várit mieđihuvvojit guolledoalloguovlluide guollenáliid suvdilis ávkkástallama ja dikšuma plánemii, čáhceguovlluide eaiggádiidda buhtadussan čáziid ávkkástallamis, organisašuvnnaide rávvenbálvalusaide ja guolástanbearráigeahčču sihke eará doaibmiide ja fidnuide, maiguin buoridit guliid eallindiliid.

## Haddi ja fámusleahkin

**47 € / jahki, 16 € / vahkku, 6 € / beaivi**

Guolleáriiddikšunmávssus lea álo sáhka **kaleandarjándoriin ja –jagiin**, muhto vahkkomávssu fámusleahkima sáhtta álggahit ieš válljen vahkkobeavvis. Hattiid mearrida riikkabeavvit guolástanlágas.

## Vuovdinbáikkit

- Eräluvaf.fi-neahttagávpi
- Eräluvaf-heivehus

- Bálvalannummir 020 69 2424 (árgan dmu 9–15)
- Meahciráđđehusa lohpevuovdinbáikkít
- R-kioska ii šat vuovdde guolástandikšunmávssu jagi 2024 rájes.

## Máksinduodaštus

Guolleáriiddikšunmáksu lea **persovnnalaš**, muhto dan sáhtta skáhppot maiddá nuppi olbmui. Lobi hálddašeaddjis galgá almmuhit nama, oktavuodadieđuid ja riegádanáigi (ii persondovddaldaga). Guolleáriiddikšunregistara bajásdoallá Meahciráđđehus.

Mávssus addojuvvon kuite lea duodaštus guolleáriidmávssu máksimis. Máksinkuite galgá doallat mielde guolástettiin ja bivddedettiin čájehit virgeoapmahažžii dahje guolástanberráigeahččái báberhámis, plasttethámis dahje elektrovnnalažžan. Maiddá guolástanankoarta lea duodaštus guolleáriiddikšunmávssus. Dat sáddejuvvo olles jagi guolástanmávssu máksán olbmuide Suomá bláđi mielde cuoŋo-golggotmánus

Jus guollebivdis ii leat duodaštus mielde, son mearriduvvo galledit čieža beaivvi siste bolesstašuvnnas čájeheamiin duodaštusa, ahte guolleáriiddikšunmáksu lei fámus guolástettiin.

## Skáhppon ja máhcahaneavttut ja diehtosuodječilgehus

Guolástanlága 81 §:a mielde Meahciráđđehusas ii leat almmá sierra siva dihtii geatnegasvuolta doaimmahit ođđa duodaštusa guolleáriiddikšunmávssu máksimis, jus olmmoš lea láhppán árabut ožžon máksinduodaštusa. Seamamá láchkai Meahciráđđehusas ii leat almmá sierra siva geatnegasvuolta máhcahit boastut máksojuvvon guolleáriiddikšunmávssu.

Jus olmmoš lea goittotge máksán guolleáriiddikšunmávssu olles áigodahkii guovtte gearde, badjelmearálaš máksu vuosttaš sajis sirdojuvvo dinggojeaddji almmuhan kontui. Jus badjelmearálaš

[Guolleáriiddikšunmávssuid persondieđuid čoaggima ja ávkkástallama guoskevaš Diehtosuodječilgehus lea čujuhusas \[verkkokauppa.eraluvat.fi\]\(https://www.eraluvat.fi\).](https://www.eraluvat.fi)